

'Fluba nɛn Pɔl -a crɛn -tɛ Filipɔ 'nɔn lɛ

¹ An 'bɔ Pɔl 'lee Timote nɛn kɔ ci Zozi Crizi 'sunɔn 'a bɛ, kɔɛ 'fluba 'gɔɛ -a crɛn -tɛ. Kɔa crɛn -tɛ minnɔn pɛɛnɔn nɛn o drɛ Zozi Crizi -lɛ vɛ -a ɛn o ya Filipɔ 'fla bɛ -wlɛ. Kɔa crɛn -tɛ minnɔn nɛn 'o yiɛ -tɔa -leglizi -va 'lee minnɔn nɛn o "paa o va bɛ -wlɛ.

² -Kaa "tɪ Bali 'lee Minsan Zozi Crizi 'o 'wee "yi 'lee 'wee -fɔdɪ -trɔɔ -nɔn 'cɛɛ.

Pɔl Bali trɔ 'ba Zozinɔn nɛn Filipɔ fla bɛ -wlɛ

³ Tɔ -tɔdɔ pɛɛnɔn man -te 'ka 'cin -trɔa 'an 'ji bɛ, an 'mɛn Bali muo -fɔa.

⁴ Tɔ pɛɛnɔn man, -te "mɛɛn vɪ 'nan 'an Bali trɔ 'ba 'cee 'wɪ man bɛ, ci "nrandɪ -dan a 'an 'lɔ.

⁵ An Bali muo -fɔa, kɔɔ yi tɛdɛ nɛn ka wɪ Zozi man -trilii, -e 'e bɔ cɛɛgɔ yi -a bɛ, ka 'pa 'an 'va ɛn -kaa Bali -lɛ 'wɪ 'nɔnnɔn fuila "man.

⁶ An yi -tɛala "da 'nan, Bali 'bɔ nɛn e 'wɪ "yi zɪɛ -a pei 'trɔa 'ka 'va bɛ, yaa dra -e 'e 'kɔ 'e 'lɛ 'trilii, -e 'e 'lɛ sɔɔ tɔ nɛn Zozi Crizi -taa "man "bɛ -a.

⁷ -Te 'wɪ zɪɛ -a -cin a 'an 'ji 'cee "wɛan bɛ -a -nɔan da nɛn, kɔɔ 'ka 'nan wɪ a 'an man 'kpa tɪgɪ. Tɔ nɛn te an ya -pɔ 'kuin oo, ɛn tɔ nɛn te 'an -tɔ 'kpa tɪgɪ Crizi -lɛ 'wɪ 'nɔnnɔn -sru minnɔn tanɔn yiɛ man oo, "yi "nɛn Bali -a drɛ 'mɛn bɛ e drɛ -kaa pɛɛnɔn 'lɛ vɛ -a.

⁸ -Te maan 'vɪ 'nan an 'ka ye "yi "lɛ zɪ Zozi Crizi 'ka ye "yi "bɛ -yɛɛ 'wɪ 'zɔ bɛ, Bali -a -tɔa 'nan 'wɪ 'kpa nɛn.

9 Ἐν 'wɪ nɛn maan laabo Bali lɔ te an ya Bali trɔ
'banan bɛ -nyrɛn 'nan, yɪdɪ "yi 'e 'pa "da 'ka 'va, ɛn
'wɪ 'tɔdɪ 'lee 'wɪ 'fa 'si bli 'e 'kɔn 'ka yei,

10 -e 'ka -kɔla 'wɪ nɛn e cɪ tɪglɪ bɛ -a -si siadɪ -a. -Te
e drɛ zɪɛ, Zozi 'ta nyan bɛ, te ka ya 'saun, ɛn 'tɔ 'tɔ
'ka 'kɔan 'e 'padɪ 'ka man dɪ.

11 Ἐν "nyian bɛ te 'cee 'wɪ nɛn kaa drɛ 'trɛda bɛ, e
ya 'e fadɪ Zozi Crizi -le 'wɪ "yi 'saza 'a. 'E drɛ zɪ, -e
minnun 'o Bali 'tɔ 'sia -dan, te waa bɔa.

Pɔl 'e yra 'yɪ Bali -le 'wɪ 'nɔnnɔn vidɪ man

12 'An "bɔɪ Zozinɔn, an ya "vale 'ka -tɔ 'nan, 'wɪ
nɛn e 'bɔ 'an man bɛ, -yɛɛ -maan ɛn Crizi -le 'wɪ
'nɔnnɔn fuila "man.

13 Kɔɔ 'sounjanun pɛɛnɔn nɛn 'o yɪɛ -tɔa
mingɔnnɛn -le 'kɔn 'va bɛ, 'lee 'flanɔn pɛɛnɔn waa
-tɔ 'nan Crizi -le 'wɪ 'nɔnnɔn vidɪ man nɛn an ya -pɔ
'kuin.

14 Zɪ -kaa "bɔɪ Zozinɔn "kaga 'an 'yɪ -pɔ 'kuin bɛ, ɛn
-wee yi -tɛradɪ Minsan da 'pa "da, -a -nan nɛn wa'a
"klanɛ "nyian dɪ, ɛn o Bali -le 'wɪ 'vɪ minnun lɛ.

15 Maan -tɔa 'nan min -mienun a o va bɛ, "o Crizi
-le 'wɪ 'nɔnnɔn ve man bɔdɪ -a 'an 'va zia, ɛn waa
ve -sa -fɔdɪ pɛ -ji. 'Pian min -mienun "o Crizi -le 'wɪ
'nɔnnɔn ve 'o 'ci 'fidaa 'a.

16 Minnun zɪɛ 'o dra 'an yɪdɪ "yi "le "wɛan. Kɔɔ
waa -tɔa 'nan Bali 'an 'pla 'nan -e 'an 'tɔ Crizi -le 'wɪ
'nɔnnɔn -sru minnun tanɔn yɪɛ man.

17 Ἐν minnun nɛn "o Crizi -le 'wɪ 'nɔnnɔn ve -sa
-fɔdɪ pɛ -ji 'an 'va zia bɛ, wa'a ve 'o 'ci 'fidaa 'a dɪ. E
ya o ji 'nan "wɛɛ drɛ zɪɛ, te 'mɛn yra yɪdɪ "paa "da
-pɔ 'kuin.

18 'Bɛ 'ka "mɛn 'ji fɛ -tɔ -a dɪ. -Te -wee ci "nrɔndɪ a
-wɪdɪ oo, ɛn -te 'bɛ "cɛɛ dɪ 'o 'ci "nrɔnman "yi oo, -a

pεεnɔn zɪε -a -ji bε, Crizi -le 'wɪ 'nɔnnɔn 'bε ve. 'Wɪ zɪε yaan 'ci "nranman.

En yaan ci "nranman 'li 'trilii,

¹⁹ kɔɔ maan -tɔa 'nan, 'cee Bali trɔ 'badɪ 'lee Zozi Crizi lei 'saun nεn yaan 'ta -nanjεan "bε, -yee "wεan an "sia 'wɪ 'ji.

²⁰ 'Wɪ zɪε 'an 'bli a "da, εn an yi -tεala "da 'kpa tɪglɪ. Maan -tɔa 'nan, Bali 'ka 'we "man -e 'yaan 'tɔɪ dɪ. An -taa Crizi 'tɔ dreɛ -dan 'an 'kɔɛ 'a minnun pεεnɔn yiε man. -Te an -ka oo, εn -te 'an yiε 'fɔ "man oo, an -taa -a 'tɔ dreɛ -dan 'kpa tɪglɪ "le zɪ maan dra tɔ pεεnɔn man bε -yee 'wɪ 'zɔ.

²¹ Maan ve zɪε, kɔɔ 'mεn vε bε, -te 'an yiε a "man "bε, te an ya Crizi -le vε -a. En -te an -ka bε, te e ciɪla "mεn "da.

²² En -pε -tɔ da zia bε, -te an yiε a "man "bε, te an Crizi -le 'nyranman "paa tian. -Nyren kɔ an 'si "va "bε, ma'an tɔa dɪ.

²³ Kɔɔ 'an 'fli ye "yi -pε "fli 'bɔ dave -a. An ya "vale an "sia 'tre 'gɔvε -a da -e 'kɔ 'vale Crizi -a 'kɔ 'kɔn. 'Bε 'bɔ 'bε ci "yi "fo.

²⁴ 'Pian 'cee "wεan -a "yi mlin -e 'an yiε 'e 'fɔ "man.

²⁵ An yi -tεala 'wɪ zɪε -a da. -Yee "wεan maan -tɔa 'nan, an -fo tian 'ka "srɔn, -e 'an 'pa 'ka pεεnɔn 'va, -e 'cee yi -tεradɪ Zozi da 'e 'kɔ 'e 'lε, te 'ka 'ci a 'e "nrandɪ.

²⁶ En "nyian bε -te an 'li 'an da 'ka 'va bε, -e 'mεn 'lɔdɪ 'ka 'va 'e 'ka 'ci "nran 'e 'ciɪla "da, -e 'ka Zozi Crizi 'tɔ bɔ.

Kayraye Crizi -le "wεan

²⁷ 'Pian -te 'wɪ oo 'wɪ nεn e 'bɔ 'an man bε, 'cee 'ta wɔ -pε 'e -kɔɔn 'nan Crizi -le 'wɪ 'nɔnnɔn -sru "nεn 'ka ci! En -te ma'an 'ka ylε "nyian dɪ oo, 'pian 'an

'ka 'ta wɪ man 'nan, ka -fɔ Zozi -sru 'ta wɔnɔn tɪglɪ 'a. 'Ka 'ci 'e 'kɔn -tɔwli! En 'ka 'wulo -ji "nrɔn 'wɪ -tɔwli "da, -e 'ka Zozi Crizi -le 'wɪ 'nɔnnɔn fuila "man min pɛɛnɔn 'va.

²⁸ Te nyɛn 'e 'kɔn 'ka 'ji 'ka 'nanmannɔn 'le 'wɪ nɛn waa dra 'cɛɛ bɛ -yee "wɛan dɪ. 'Wɪ zɪɛ -a drɛdɪ 'bɛ -kɔɔnman 'nan 'o 'fli 'si Bali man -kɔɔbli. Bali -taa "o -nan -nyanlɛ. 'Pian 'cee vɛ bɛ, yaa -kɔɔnman 'nan, ka ya -si nɛn e min "sia 'wɪ 'ji bɛ -a da. En 'wɪ zɪɛ e "sia Bali va.

²⁹ Kɔɔ Bali 'ka 'yi "drɛlɛ 'cɛɛ 'nan -e 'ka yi -tɛra Crizi da 'saza dɪ, 'pian 'nan -e 'ka yɪ yɪ Crizi -le "wɛan.

³⁰ 'Bɛ nɛn 'gɔɛ, 'an yɪ -tɔwli "nɛn maan 'yɪ bɛ, -a 'lein 'bɔ 'ji nɛn ka cɪ. Kaan 'yɪ te an ya 'an yɪ nɛn Crizi -le "wɛan, en kaa maan 'nan an ya yɪ dɪ zɪɛ -a -ji "nyian.

2

¹ Maan -tɔa 'nan ka ya 'ka lɛadɪ Crizi man, en 'wɪ zɪɛ e 'ka "koe -tɔa 'ka da. En 'ka cin siiman yɪdɪ "yi "a. En 'ka 'vale Bali lei 'saun 'a, 'ka yei "a 'e 'sɛndɪ 'e cin va. En 'ka cin nyrinda "sia.

² Ka 'wɪ pɛɛnɔn zɪɛ -a dra, 'pian 'kaan 'ci "nran 'e 'ciɪla "da. 'Ka 'ci -pɔan 'e 'kɔn -tɔwli, en 'ka 'wɪ 'tɔwli "yɪ 'yi, en 'ka 'ci wɪ 'e 'kɔn -tɔwli, en 'ka 'wulo -ji "nrɔn 'wɪ -tɔwli "da.

³ Maan ve 'cɛɛ 'nan, te 'ka 'wɪ 'tɔ drɛ te e ya bɔɛ "bɪdɪ pɛ -ji dɪ. En "nyian te e ya 'ka 'bɔ 'fli -kɔɔndɪ "tun "a dɪ. 'Pian 'ka 'fli drɛ "wɛnnɔn, -e 'ka min peenun 'sia 'e 'mlin 'ka da.

⁴ Te 'ka 'va min -tɔ 'e 'e 'bɔ 'fli -le 'wɪ 'yi -wɛɛ "dɪ, 'pian min peenun -le 'wɪ 'yi "nɛn 'e -wɛɛ.

5 -Pɔan "tɔwli "nen Zozi Crizi -a 'pa 'e 'ji bɛ, -a 'bɔ
nɛn 'e 'kɔn 'ka 'ji.

6 Crizi nɛn e ya paan "le Bali -le 'wɪ 'zɔ 'wɪ pɛɛnɔn
drɛdɪ -ji bɛ,

ya'a -wɛɛɛ 'nan 'e 'fo Bali -a -trilii dɪ,

7 'pian 'e 'bli 'si 'wɪ zɪɛ -a da,

ɛn e drɛ "le nɔan -le 'wɪ 'zɔ.

'E 'fli drɛ "le blamin -le 'wɪ 'zɔ,

ɛn e min drɛ wɪ drɛ.

8 E wɪ "man, ɛn 'e 'fli drɛ "wɛnnɔn.

'Wɪ nɛn Bali -a 'vɪ -yrɛ "bɛ,

e 'ta 'wɔla "da -trilii,

ɛn e drɛ -a -kadɪ -a.

-Ka zɪɛ, yaa 'wɔ yiba "plan da

"le plɔanzan -le 'wɪ 'zɔ.

9 'Wɪ pɛɛnɔn nɛn yaa drɛ zɪɛ,

-yee "wɛan nɛn Bali -a -tɔ fɛ pɛɛnɔn da.

ɛn 'tɔ nɛn e cɪ fɛ pɛɛnɔn 'tɔ 'ta lou "bɛ,

yaa -nɔn -yrɛ.

10 Bali 'tɔ zɪɛ -a 'pa "man,

'nan -e laji lou "fɛnun pɛɛnɔn

'lee 'trɛda fɛnun pɛɛnɔn

'lee 'trɛ 'wɪ fɛnun pɛɛnɔn

'o "pɔ -sɔɔnla Zozi 'wɪ.

11 ɛn "nyian bɛ,

-e o pɛɛnɔn 'o vɪ 'nan,

Zozi Crizi a Minsan -a.

'Wɪ zɪɛ e ya -kaa "tɪ Bali 'tɔ drɛdɪ -dan a.

'Ka 'kɔn 'ka 'bidɪ 'trɛda "le 'tɛ 'le 'wɪ 'zɔ

12 -Yee "wɛan 'an beenun, 'ka 'ta wɔla Bali wei da,
"le zɪ ka drɛdɪ 'sia 'va bɛ -yee 'wɪ 'zɔ. 'Wɪ nɛn kaa -si
'sia bɛ 'ka yɪɛ -trɔa "da "klandɪ -a Bali lɔ, -e 'e -kɔɔn
'nan ka ya 'ka 'sidɪ 'wɪ 'ji. Wa'a vɪɛ 'nan 'ka drɛ 'an

yiε man 'saza dɪ, 'pian -a "yi mlin 'bε nɛn an 'ka 'nan dɪε, -e 'ka drε 'e 'ciɪla "da.

13 -A -cin 'e 'kɔn 'ka 'ji 'nan, Bali 'bɔ 'bε cɪ 'wɪ zɪε -a drɛnan, εn -yεε 'ta -tɔa 'ka man 'nan 'ka drε "le zɪ e cɪ "va "bε -yee 'wɪ 'zɔ.

14 'Cee 'wɪ pɛɛnɔn drɛdɪ -ji bε, te 'ka wunwun "vɪ dɪ, εn te 'ka 'sa -fɔ dɪ!

15 'Ka drε zɪ, -e 'tɔ 'e vɪε 'e 'pa 'ka man dɪ, -e 'ka 'kɔn 'saun Bali 'lɛ. En "nyian bε, minnun nɛn 'wɪ 'wɪdɪ "drɛdɪ 'ka 'naan o man dɪε, -e 'ka 'kɔn o yei Bali -le 'nɛnnun nɛn 'wɪ 'wɪdɪ "tɔwɪ 'ka o man dɪε waa. 'Ka 'bi o yei "le zɪ mlɛn crɛn "bia laji bε -yee 'wɪ 'zɔ.

16 'Ka 'tɔ Bali wei nɛn e 'belidɪ nɛn ya'a 'nyaan dɪε -a -nɔan "min lɛ bε -a da 'plɛblɛ. 'Ka drε zɪε, -e tɔ nɛn Crizi -taa "man "bε, 'an 'ci 'e 'kɔn 'e "nrandɪ 'ka 'va. 'Wɪ zɪε -yεε -kɔnman 'nan, 'nyranman pɛɛnɔn nɛn maan 'pa 'ka 'va 'lee 'an "koe pɛɛnɔn nɛn maan -nyan 'ka 'va bε, -a "nɛn 'ka 'fɔlɛ 'e "tun "dɪ.

17 'Cee yi -tɛradɪ Bali da bε, e ya 'cee Bali -pandɪ -a. -Te waan 'tɛ bε, e ya "le 'nan 'sraga bɔvɛ nɛn waa 'pa 'cee Bali -pandɪ da. -Te 'wɪ zɪε e drε bε, 'an ci "nranman, εn -kaa pɛɛnɔn 'ci "nranman 'e cin va.

18 En "nyian "cee 'va zia bε, 'ka 'ci 'e "nran, -e -kaa ci 'e "nran 'e cin va.

Pɔla "vale 'e Timote "paa -sia

19 'An yi -tɛala Minsan Zozi da 'nan, yaa -si -nɔan -e 'an Timote 'pa "sia 'ka 'va "nyiandɔ. Maan dra zɪε -e 'an 'ka 'ta wɪ man, te 'an "koe "a 'e 'tɔdɪ 'an da.

20 Timote nɛn maan "paa -sia 'ka 'va, kɔɔ min pee 'ka 'gɔ te 'ka 'nan wɪ a "man tɪglɪ "le zɪ 'ka 'nan wɪ cɪ 'an man bε -yee 'wɪ 'zɔ dɪ.

21 -Yεε ci 'nan minnun pεεnɔn a 'o 'bɔ 'fli -le 'wɪ 'yi -wεεnan, 'pian o 'ka 'wɪ nɛn Zozi Crizi ci "va "bε -a -wεεnan dɪ.

22 Kaa -tɔa 'ka 'bɔ 'a 'nan, Timote a min nɛn min yi -tɛala "da "bε -a. E 'wɪ dra "le 'nan 'nɛn nɛn 'e "tɪ wei maan "bε -yee 'wɪ 'zɔ. 'E 'fli -nɔn Zozi Crizi -le 'wɪ 'nɔnnɔn vɪdɪ -ji "le 'mɛn 'wɪ 'zɔ.

23 Timote zɪε, -a -cin a 'an 'ji 'nan 'an "paa -sia 'ka 'va "nyiandɔ. Maan "paa -sia tɔ nɛn 'wɪ nɛn e "ta -daa "bɔε 'an man bε, maan -ci ye bε -a man.

24 Ɛn 'wɪ 'bɔ zɪε -a -ji bε, an yi -tɛala Minsan da 'nan o "sia 'an man -e 'an 'bɔ 'an 'lɔ "nyian 'ka 'va nun.

Epaprodi -le 'wɪ

25 'Pian 'bε nɛn 'gɔε, e ya "yi -e 'an Epaprodi nɛn -kaa "bɔɪ Zozizan 'a bε, -a li 'e da 'ka 'va. 'Kɔ 'vale -a kɔε 'nyranman 'pa 'e cin va, ɛn 'kɔ 'vale -a kɔε yra 'yɪ 'e cin va. -A 'bɔ nɛn kaa 'pa 'sia 'an 'va, ɛn fɛnun pεεnɔn nɛn kɔ 'e -nɔn 'mɛn bε kaa 'pa -yrɔ.

26 'Ka dra Epaprodi 'bɔ -tɛa 'kpa tɪɪɪ. Ɛn "nyian bε -a 'wɪ "naan "man 'nan ka 'yee man "yaadɪ 'wɪ 'man.

27 'Wɪ 'kpa nɛn! -A man yaa 'kpa tɪɪɪ, -a -kadɪ -fɔla tɔ, 'pian Bali -a nyrinda 'si. Wa'a vɪε 'nan -a 'saza nɛn Bali -a nyrinda 'si dɪ. 'An nyrinda -sɛn "nyian Bali da, 'dɔ -e 'an 'man 'e vɪε 'e 'fɔ 'yuo dɪ -le "wεan.

28 Maan "paa -sia 'ka 'va "nyiandɔ, 'nan -e te kaa 'yɪ bε -e 'ka 'ci 'e "nran. 'Wɪ zɪε e "mɛn 'ci "nranman "nyian.

29 -Te e 'bɔla 'ka 'va nun bε, 'ka 'sia ci "nrandɪ -dan a, "le zɪ Zozinɔn -a dra bε -yee 'wɪ 'zɔ. Minnun nɛn o 'wɪ dra "le -yee 'wɪ 'zɔ bε, 'ka o bɔ 'e 'ciɪla "da.

³⁰ Kɔɔ Zozi Crizi -le 'nyranman 'padɪ -le "wɛan -a -kadɪ -fɔla tɔ. 'Pian 'e 'bli 'si 'yee 'belidɪ lɛ, ɛn e 'pa 'an 'va, ka 'ka 'nan -kogo dɪ -le "wɛan.

3

Zozi Crizi -tɔwli 'bɛ min "sia 'wɪ 'ji

¹ 'Bɛ nɛn 'gʊɛ 'an "bʊl Zozi nɔn, 'ka 'ci 'e "nran 'nan ka drɛ Minsan -le vɛ -a. 'Wɪ -tɔwli "nɛn maan 'vɪ 'cɛɛ 'va bɛ, -te maan ve tian 'cɛɛ bɛ, -a vidɪ 'ka 'an "koe 'nyaan "fo "dɪ. ɛn "nyian bɛ e ya 'cee 'wɪ "yi "a.

² 'Ka drɛ "yi min -wliɔnun va! O Bali -le 'wɪ "paaman min -ji -wliɔ. Wɛɛ 'ta -tɔa 'ka man 'nan 'ka 'fɔ -klɔnmɔn -va 'vaa -e 'ka 'kɔn 'saun Bali 'lɛ.

³ 'Pian minnɔn nɛn 'o 'fɔdɪ -klɔnmɔn -va tɪglɪ bɛ, -kaa 'bɔ nɛn. -Cɛɛ cɪ Bali -le minnɔn tɪglɪ 'a, kɔɔ Bali 'yee lei 'saun 'nɔn -cɛɛ. -Yee lei 'saun 'bɔ 'bɛ -maan ɛn -kaa "sua. ɛn "nyian bɛ -ka'a yi -tɛala -kaa 'bɔ 'fli -le 'plɛblɛ da dɪ, 'pian Zozi Crizi -le 'plɛblɛ da nɛn -kaa yi -tɛala.

⁴ 'Mɛn vɛ bɛ, an -kɔlaman paan -e 'an yi -tɛra 'an 'bɔ 'fli -le 'plɛblɛ da. -Te min -a ve paan 'nan 'e 'wɪ dra 'e 'bɔ le 'plɛblɛ 'a bɛ, mɛɛn cɪ -a tɛdɛ -a.

⁵ Kɔɔ waan 'fɔ -klɔnmɔn -va 'an 'ya yi 'sɔrazan da. ɛn 'an "tɪ 'lee 'an "bʊ "a Izraɛl 'nɔn 'a. O "sia Benzamɛn -le kunnin -wulo da. Maan ve 'nan Ebre min 'bɛ 'an 'ya, ɛn an ya Ebre 'wɛ tɪglɪ 'a. -Te e ya 'ta wɔdɪ Zuif 'nɔn 'le -pei da -a bɛ, maan drɛ 'sɛzɛ "le Farizɛn 'nɔn 'a dra bɛ -yee 'wɪ 'zɔ.

⁶ An 'ta 'wɔla -pei -tɔ wɪnɔn da "bʊv "le "wɛan, an 'tɛ 'pa -leglizi 'nɔn da. -Te e ya min nɛn e cɪ tɪglɪ 'ta wɔdɪ -a -pei -tɔ wɪnɔn da bɛ, min -tɔ 'ka 'mlinlɛ 'an da 'bɛ 'nan "fo "dɪ.

7 'Wɪnun nɛn "nɛn maan ye 'an 'yɪe -goei 'wɪ -dan tʊ -a bɛ, 'bɛ nɛn 'sɪɛn 'gʊɛ Crizi -le "wɛan ma'an ye "nyian fɛ -tʊ -a dɪ.

8 'Wɪ 'kpa nɛn! Maan ye 'sɪɛn 'wɪ "tun "a, kɔɔ drɛdɪ Minsan Zozi Crizi -le vɛ -a bɛ -a "yɪ "mlɪan 'wɪ pɛɛnɔn da. Crizi -le "wɛan 'an 'bli 'si fɛnun pɛɛnɔn da, ɛn an o ye 'an 'yɪe -goei "le bli da -pʊ -le 'wɪ 'zʊ. An ya "vale 'nan Crizi 'e drɛ 'mɛn vɛ -a,

9 ɛn an drɛ Crizi -le vɛ -a. Ma'an wɛɛman "nyian 'nan 'an 'ta wɔla -pei -tɔ wɪnun da, 'vaa -e 'an drɛ min tɪglɪ 'a Bali 'lɛ dɪ. 'Pɪan maan -wɛɛman 'nan, 'an yɪ -tɛala Crizi da -e 'an drɛ min tɪglɪ 'a Bali 'lɛ. Kɔɔ Bali min "sɪala min tɪglɪ 'a min -le yɪ -tɛradɪ Bali da man.

10 'An 'jɪ wɪ pɛɛnɔn nɛn 'nan 'an Crizi -tɔ 'kpa tɪglɪ, ɛn 'plɛblɛ nɛn Bali -a wɪuan 'a 'kanɔn 'va bɛ, 'e drɛ 'mɛn vɛ -a. ɛn "nyian bɛ, yɾa nɛn Zozi 'a 'yɪ bɛ "an "yɪ. ɛn -yɛe -ka nɛn yaa 'wʊ bɛ, an 'sɪa "le 'nan 'an 'bɔ 'bɛ 'ka.

11 'Wɪ zɪɛ -a -cɪn nɛn 'an 'jɪ, -e 'an -kɔla wɪuandɪ -a -kanɔn 'va "le -yɛe 'wɪ 'zʊ.

12 Ma'an vɪlɛ 'nan an 'bɔ 'wɪ 'bɔ 'wulo planan 'va dɪ. ɛn -tɛ 'bɛ "cɛɛ dɪ 'nan an drɛ min nɛn -yɛe 'wɪ a 'e 'lɛ sɔɔdɪ Bali 'lɛ 'va bɛ -a dɪ. 'Pɪan maan -wɛɛman 'nan 'an 'ko tɪan 'an 'lɛ -e fɛ nɛn Bali -a 'pla 'an -kɔpa 'a bɛ 'an yɪ. Zozi Crizi 'an drɛ 'yɛe vɛ -a 'va 'le "wɛan.

13 'An "bʊɪ Zozɪnɔn, ma'an nɾɔnman 'an 'jɪ 'nan fɛ nɛn Bali -a 'pla 'an -kɔpa 'a bɛ, maan 'yɪ 'va dɪ. 'Pɪan 'mɛn cɪ "nɾɔndɪ a -tɔwɪ, -nyɾɛn 'nan, 'wɪ nɛn 'bɛ cɪ 'an -sɾu "bɛ, 'an 'cɪ 'e 'san 'bɛ man, ɛn 'wɪ nɛn 'bɛ cɪ 'an 'lɛ zɪa bɛ, maan -wɛɛman 'nan 'an bɔ 'bɛ 'nan.

14 -Yɛe "wɛan maan dra 'nan -e 'an bɔ 'wɪ 'bɔ 'wulo planan, -e fɛ nɛn Bali -a 'pla 'an -kɔpa 'a bɛ,

'an yɪ. Bali -ta Zozi 'a, ɛn e -kaa laabv 'nan -e -kaa -kopa zɪɛ -a yɪ laji.

15 -Kaa pɛɛnɔn nɛn -kaa cɪ Bali -le 'wɪ 'ji ceje bɛ, -cee 'wulo -ji "nrɔndɪ 'e 'kɔn -tɔwli 'wɪ zɪɛ -a da. -Te min -mienun a 'ka yei 'nan 'ka wei 'ka waa -tɔwli 'wɪ zɪɛ -a da dɪɛ, Bali -taa -a fa 'sile 'cɛɛ.

16 'Pian e ya "le 'nan 'wɪ pɛɛnɔn nɛn cɛɛ 'ci 'man 'va bɛ 'ka 'ta wɔla 'bɛ da.

'Ka drɛ Pɔl si drɛnɔn 'a!

17 'An "bɔɪ Zozinɔn, 'ka drɛ 'an si drɛnɔn 'a! Min-nun nɛn -wee 'ta wɔ -pɛ a "le zɪ kaa -nan 'yɪ 'kɔ 'lɔ bɛ -yee 'wɪ 'zɔ bɛ, o nɛn 'o drɛ 'cee 'wɪ -kɔɔn "mannɔn 'a.

18 Maan 'vɪ tian 'cɛɛ 'e 'pa -a "kaga, ɛn maan ve "nyian 'cɛɛ 'an yɪ -le yɪɛ 'yɪ 'a 'nan: Minnun "kaga 'a, te -wee 'ta wɔ -pɛ -a -kɔɔnman 'nan o ya Crizi -le yiba "plan 'nanmannɔn 'a.

19 Minnun zɪɛ, o klu -taa 'sɔlɛ 'trɛda, wa'a 'ko Bali va dɪ. 'O 'bɔ ci 'sɔ wɪnun bɛ, -yɛɛ cɪ "le -wee Bali -le 'wɪ 'zɔ. ɛn 'wɪ nɛn kɔ 'e o -tɛ paan 'yɪ -a bɛ, e ya 'pian -wee ci "nran wɪ -a. 'Trɛda wɪnun 'gɔvɛ -a da nɛn 'o 'ci "nrɔnman.

20 'Pian -cee vɛ bɛ, -cee 'fla a laji lou. -Kaa ya Minsan Zozi Crizi man -pɛnnan 'nan 'e 'si 'nan nun -e 'e 'ta -kaa 'si 'wɪ 'ji.

21 E -taa -cee 'trɛda 'kɔlɛ nɛn e cɪ 'e yɪ yɪnan 'gɔvɛ -a man lilɛa -e 'e drɛ "le 'nan 'e 'kɔlɛ nɛn e "bia bɛ -yee 'wɪ 'zɔ. -Yee 'plɛblɛ nɛn yaa -maan 'lɔɔ fɛ pɛɛnɔn a 'e pladɪ "wlu "bɛ -a 'bɔ 'a nɛn yaa dra.

4

1 -Yee "wɛan 'an "bɔɪ Zozinɔn, 'ka 'nan wɪ a 'an man "le 'an 'ka yɪ, ɛn 'cee "wɛan 'an 'ci "nranman e -ciala "da. ɛn "nyian bɛ cɛɛ 'an 'blɔ -tɔa "da. 'Wɪ nɛn

kə 'ka drɛ 'ləɔ -e 'ka 'fʊ Minsan -sru 'ta wɔnɔn -a bɛ, -nyrɛn 'gʊ:

² Evodi 'lee Sɛntik, an toba -fəa 'cɛɛ 'nan 'ka 'wulo -ji wɪ 'e 'kɔn -tɔwli, kəɔ ka ya Minsan -le vɛ -a.

³ Ǝn 'i 'bɔ "nyian, i ya 'an 'pa "vazan tɪglɪ 'a. Maan laabo 'i 'lə 'nan, 'i 'pa lɪmɔnnun zɪɛ o va. Kəɔ kʊɛ 'nyranman 'pa waa Bali -le 'wɪ 'nɔnnɔn vɪdɪ -a. Ǝn o 'nyranman 'pa "nyian o 'vale Kleman 'lee 'kʊɛ 'nyranman 'panɔn -mienun -a. Bali o pɛɛnɔn 'tɔ crɛn -tɛ 'yɛɛ 'fluba 'ji. 'Yɛɛ 'fluba zɪɛ minnɔn nɛn 'belɪdɪ nɛn ya'a 'nyaan dɪɛ e ya -wɔɔ "bɛ -a -ji nɛn o 'tɔ cɪ.

⁴ 'Ka 'ci 'e 'kɔn tʊ pɛɛnɔn man 'e "nrandɪ 'nan 'ka drɛ Minsan -le vɛ -a! Maan ve "nyian 'cɛɛ 'nan, 'ka 'ci 'e "nran!

⁵ 'Ka drɛ wɪ 'e 'kɔn -trɔɔ min pɛɛnɔn 'va. Minsan -tadɪ 'bɔ 'kogo.

⁶ Te 'ka 'ci "nrɔn 'wɪ 'tʊ da -e 'ka 'wulo -ji 'e 'kʊ 'koun dɪ. 'Pian 'wɪ pɛɛnɔn 'ji bɛ, fɛ nɛn e kɪ 'ka man bɛ 'ka laabʊ Bali lɔ, te ka ya Bali trʊ 'banan. 'Ka laabʊ -yrɔ, te kaa muo -fəa.

⁷ 'Ka drɛ zɪɛ -e Bali -le -fʊdɪ -trɔɔ nɛn wa'a kəɔnman min -le 'wɪ 'tɔdɪ man dɪɛ, 'e yɪɛ 'tɔ 'ka 'va, te 'ka 'ci yra "tra, te 'ka 'wulo -ji wɪ a -trɔɔ, ka ya Zozi Crizi -le vɛ -a -le "wɛan.

⁸ 'An "bʊɪ Zozinɔn, maan -fəala "nyian "va 'cɛɛ 'nan, 'ka 'ci "nrɔn 'wɪ nɛn e cɪ 'e 'sʊdɪ "ji "bɛ -a da. Ǝn 'wɪ nɛn yaa -maan min yɪɛ "naan min man bɛ, 'ka 'ci "nrɔn "da. Ǝn 'wɪ nɛn e cɪ tɪglɪ bɛ, 'ka 'ci "nrɔn "da. Ǝn 'wɪ nɛn e cɪ 'saun Bali 'lɛ bɛ, 'ka 'ci "nrɔn "da. Ǝn 'wɪnɔn nɛn min a ye "yɪ ɛn min "we man "yɪ "bɛ, 'ka 'ci "nrɔn "da. Ǝn -te 'wɪ 'tʊ a, waa -nan ye min lɔ, te e "səa min lɛ ɛn e min 'bɔ 'tɔ dra -dan bɛ, 'ka 'ci "nrɔn "da.

9 'Wɪ nɛn maan paa 'ka 'ji 'lee 'wɪ nɛn kaa tranla bɛ, 'ka 'ta wɔla "da. ɛn 'wɪ nɛn kaa man 'an da 'lee 'wɪ nɛn kaa -nan 'yɪ 'an 'lɔ bɛ, 'ka 'ta wɔla "da. -Te kaa drɛ zɪɛ, Bali nɛn e -fɔdɪ -trɔɔ -nɔan "min lɛ bɛ, 'e -kɔan 'ka 'va.

Pɔl Filipu 'nɔn muo "fɔ

10 'Pa nɛn ka -ta "nyian -a wɔlɛ 'an 'va bɛ, yaan 'ci nran e -ciala "da. ɛn 'wɪ nɛn kaa drɛ zɪɛ -yee "wɛan an Minsan muo -fɔa -dan. Maan -tɔa 'nan, kaa man -wɛɛman tɔ pɛɛnɔn man, 'nan 'ka -taa 'palɛ 'an 'va, 'pian -si nɛn kɔ 'ka 'sia bɛ ka'a -kɔlalɛ -a yɪdɪ -a dɪ.

11 Wa'a vlɛ 'nan fɛ -tɔ 'wɪ a 'an man, -yee "wɛan nɛn 'wɪ zɪɛ an cɪ -a vɪnan dɪ. 'Pian zɪ kɔ 'an drɛ 'lɔɔ -e te an 'ka 'an 'ladɪ min lɔ fɛ da dɪɛ maan -tɔa.

12 Fɛ nɛn maan ve zɪɛ, -yɛɛ cɪ 'nan -te e ya 'yalɛ -tɛdɪ -a oo, an 'bɛ 'ji ta wo sidɔ. ɛn -te e ya fɛ yɪdɪ -a oo, an 'bɛ 'ji ta wo sidɔ. 'Wɪ pɛɛnɔn nɛn e bɔa "min man bɛ, ma'an koda tɔa -a -tɔ -lɔ "fo "dɪ. -Te e ya -blɪfɛ "kaga yɪdɪ -a oo, ɛn -te e ya dra -tɛdɪ -a oo, ɛn -te e ya fɛ "kaga "yɪdɪ -a oo, ɛn -te e ya fɛ 'ka min lɔ dɪ -a oo,

13 'wɪ pɛɛnɔn zɪɛ, maan "kuan 'an 'pɛ "fli "a Zozi Crizi nɛn 'an 'tɔ -kli -a bɛ -yee "wɛan.

14 'Pian 'cee 'pa nɛn kaa 'wɔ 'an 'va 'mɛn yra yɪdɪ -ji bɛ, kaa drɛ "yi.

15 Filipu flanɔn, kaa -tɔa 'ka 'bɔa 'nan, tɔ nɛn an Bali -le 'wɪ 'nɔnnɔn vɪdɪ pou 'sia, ɛn an 'si 'cee 'leglɔn 'ji Masedɔa bɛ, -leglɪzi -tɔwli "nɛn e 'pa 'an 'va bɛ, 'ka 'bɔ nɛn. ɛn -cɛɛ tɔ -kaa cin wlu 'wɪnɔn drɛnan.

16 Kɔɔ tɔ nɛn an ya Tesalonik fla bɛ, cɛɛ 'pa 'an 'va 'e 'pa -a "fli yaa fɛ nɛn -a 'wɪ cɪ 'an man bɛ -a.

17 Wa'a vlɛ 'nan an ya -a -wɛɛnan 'nan minnɔn 'o "yi "drɛ 'mɛn dɪ. 'Pian 'wɪ nɛn maan -wɛɛman "bɔɔ

"bε, -nyren 'nan, 'cee "yi "nen kaa dre 'men bε, 'ka "nen "bli 'e 'ciila "da.

¹⁸ Bε nen 'gυε, fε nen kaa -nən Epaprodi le 'nan 'e 'ta -a 'men bε, maan 'yι 'e pεenən. E 'bɔ maan 'e 'ciila "da. 'Cee "yi "nen kaa dre 'men bε, e ya "le 'nan Bali -panvε nen kaa -nən, εn -a -koei 'nənnən 'ko laji -e 'e Bali ci 'sɔ bε -yee 'wι 'zυ.

¹⁹ Fε pεenən nen e klι 'ka man bε, Bali nen maan "sua bε e -taa -a -nənle 'cεε. -A yife nen -a -kəən "manvε "ka "dιε, Bali -ciala Zozi Crizi -va -e 'e 'nən 'cεε.

²⁰ -Kaa "tι Bali 'tɔ 'e dre -dan 'li 'trilii. Amen!

Pɔl 'wι 'le 'sran o 'tɔ bvdι -a

²¹ Minnun pεenən nen Zozi Crizi -le "wεan o ya Bali -le vε -a bε, an 'o 'tɔ bo. -Kaa "bυι Zozinən nen kv ci waa 'gυε o 'ka 'tɔ bo.

²² Minnun pεenən nen o dre Bali -le vε -a bε, o 'ka 'tɔ bo. Mingənnennun tazan nen Rəm bε, -yee "kənnən 'nən nen Bali -le vε -a bε, o 'ka 'tɔ bo 'tandan.

²³ Minsan Zozi Crizi -le "yi 'e 'kən 'ka pεenən 'va.

Bali -le 'fluba 'trε Zozi blamin pli Bali man 'e 'pee

New Testament in Yaouré

copyright © 1999 Wycliffe Bible Translators, Inc.

Language: Yaouré

Translation by: Wycliffe Bible Translators, Inc.

Copyright Information

© 1999, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Yaouré

© 1999, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022

ff06db1d-9f3b-5426-a70e-8791739b38bc